

Bolla di Papa Clemente XI data il 27 Maggio 1718

“Militantis Ecclesiae”

Conferimento di speciali privilegi all’Ordine Costantiniano



CLEMENS EPISCOPUS

SERVUS SERVORUM DEI

Ad perpetuam rei memoriam.

Militantis Ecclesiae Regimine nullo licèt meritorum nostrorum suffragio per ineffabilem Divinae bonitatis abundantiam , praesidentes ad ea potissimum , quae Militarium Ordinum , maximo Christianae Reipublicae bono anteactis temporibus institutorum decus, et incrementa respiciunt, quaeque in Orthodoxae Fidei , Divinique cultus amplificationem cessura esse noscuntur , vigilantiae nostrae curas libentè convertimus , nostrique Apostolici Officij partes propensa benignitate desupèr interponimus, proùt piam Catholicorum Principum vota postulant, et nos prudenti consultatione adhibita cognoscimus in Domino salubritèr expedire : Sanè alias postquam tunc in humanis agens Ioannes Andreas Angelus Flavius Comnenus , dùm vixit Princeps Macedoniae , ac Magnus Magister Militiae Aureatae Constantinianae S. Georgii sub titulo , et Regula Sancti Basilii Magni, Familiae suae Angelae Flaviae Comnenae solus superstes , ac tam liberis, quàm spe

illos procreandi jam destitutus, summopere cupiens in Officio, seu munere Magni Magistri, seu perpetui Administratoris Militiae praedictae, quod longissimo tempore ab ejus Progenitoribus continua, ac non interrupta serie obtentum, et possessum fuerat, dari sibi successorem praevalidum, cujus ope, ac virtute Militia praefata relevaretur, ac praeservaretur a noxiis, nec non laesioribus, benedicente Domino proficeret incrementis, ad Personam dilecti Filii nobilis viri Francisci Farnesii Parmae, et Placentiae Ducis, egregiis naturae, gratiaeque divinae muneribus praefulgentem, mentis suae oculos providè direxerat, juribusque sibi in hac re, quovis modo competentibus, seu quae sibi competere existimaverat, utens, eidem Francisco Duci, eiusque successive natis, nepotibus, et descendantibus, aliisque ipsius Francisci Ducis Familiae Farnesiae praedictae successoribus Parmae, et Placentiae Ducibus, pro tempore existentibus, officium, seu munus praedictum, reservato tamèn desupèr Sedis Apostolicae Beneplacito, resignaverat, fael. rec. Innocentius Papa XII. praedecessor noster firmam in Domino spem concipiens dictum, cui praetèr generis splendorem, ac domestica majorum exempla Catholicae Religionis zelus tuendae, aliaeque eximiae, ac pio, prudentique Principe dignae virtutes abunde suffragabantur, Militiaeque praedictae plurimum utilitatis allaturum esse, ac proindè felicibus ejusdem Militiae, quae, ut asserebatur, diversis Privilegiis, Gratiis, et Indulgentiis a quamplurimis Romanis Pontificibus praedecessoribus nostris, tunc suis insignita fuerat progressibus. Opportunè consulere volens supplicationibus tam Francisci Ducis, quam Ioannis Andreae Principis, et Magni Magistri, seu perpetui Administratoris praedictorum nomine sibi supèr hoc famili-

ter porrectis inclinatus , ac etiam motu proprio , ac ex certa scientia , et matura deliberatione , deque Apostolicae potestatis plenitudine resignationem dicti officii , seu muneris Magni Magistri, seu perpetui Administratoris Militiae Auratae Costantinianae praedictae eidem Francisco Duci, eiusque successive natis, nepotibus, et descendantibus, aliisque ipsius Francisci Ducis Familiae Farnesiae predictae successoribus Parmae, et Placentiae Ducibus, pro tempore existentibus a praefato Ioanne Andrea Principe, et Magno Magistro, seu perpetuo administratore factam, ut praefertur, publicumque desuper confectum instrumentum, seu publicam desuper confectam scripturam, cum omnibus, et singulis in eis contentis sub certis modo, et forma tunc expressis, Apostolica auctoritate perpetuò confirmavit, et approbavit, et ad maiorem, et abundantiore cautelam, quatenus opus esset, ac etiam omni meliori modo, via, jure, et forma, quibus firmitus, et validius facere poterat, eidem Francisco Duci, ac praedictis illius natis, nepotibus, et descendantibus, aliisque Familiae suae Farnesiae hujusmodi successoribus Parmae, et Placentiae Ducibus, pro tempore existentibus, successivo ordine respectivè sopradictum Officium, seu munus Magni Magistri, seu perpetui Administratoris Militiae Aureatae Costantinianae praedictae, praemisso, vel aliàs certo, quam idem Innocentius praedecessor pro expresso haberi voluit, modò tunc vacans cum omnibus, et singulis illius honoribus, juribus, praemiis, et praerogativis solitis, et consuetis, motu, scientia, deliberatione, et potestatis plenitudine paribus, perpetuò concessit, et assignavit; nec non cum illis super receptionis in Fratres Milites Militiae praedictae, ac susceptionis habitus, per eosdem Milites gestari soliti; nec non Professionis, per

ipsos Milites emitti consuetae Regularium ; nec non serviti-
orum quorumlibet ab ejusdem Militiae Statutis, seu stabilimen-
tis praescriptorum, ac aliarum quarumvis per eadem Statuta,
seu stabilimenta, ac Privilegia, et Indulta Apostolica ab ob-
tinendum Officium, seu munus hujusmodi, illiusque jurisdic-
tionem, potestatem, praeminentias, et praerogativas exer-
cendum, quomodolibet requisitarum qualitatuum defectibus,
cacterisque impedimentis quibusvis in praemissis eidem Fran-
cisco Duci, ejusque natis, nepotibus, et descendentibus, aliis-
que ipsius Francisci Ducis Familiae Farnesiae hujusmodi
successoribus, Parmae, et Placentiae Ducibus, pro tempore
existentibus, praedictis quomodolibet obstantibus, et quan-
documque obstituris, seu quae illis obstare, quovis modo
praetendi, censer, vel intelligi possent, ad praemissorum
effectum, quatenus opus esset semper, et omni tempore, quo
casu hujusmodi eventurus foret de specialis dono gratiae di-
spensavit, et alia disposuit, prout in ejusdem Innocentij prae-
decessoris literis, in forma Brevis die 24 Octobris 1699, ex-
peditis, quarum tenorem praesentibus pro plenè, et sufficienter
expresso, et inferto haberi volumus, uberius continetur. Cum
autem sicut accepimus Franciscus Dux, ac Magnus Magister,
seu perpetuus Administrator praefatus, ut Christianum dece-
bat Principem, susceptique Officij, seu muneris ratio ab ipso
postulabat ad instaurandum Militiam hujusmodi, ob varia prae-
teritorum temporum infortunia ferè collapsam, pio, strenuo-
que animo incumbens, nullis hactenus pepercerit curis, la-
boribus, et sumptibus, ut illa ad pristinum honoris, ac di-
gnitatis gradum restitueretur, et restituta ad Catholicam Re-
ligionem contra Infidelium insultus, pro veteri suo Instituto
propugnandum usui esse posset. In primis autem antiqua prae-

fatae Militiae Statuta , seu stabilimenta renovari , meliori , quàm olim methodo , ac ordine disponi , praesentique temporis conditioni , ac rerum statui accommodari sedulò curaverit , quamplures insuper non tam generis Nobilitate , quàm Animi robore , virtutemque merito praestantes viros , praevio maturo examine , in eandem Militiam adsciverit , ac demum cum implacabiles Christiani nominis hostes Turcae in sua feritate confidentes Catholicorum Principum , ac praesertim Venetae Reipublicae dominia nefario bello vexare caeperunt , idem Franciscus Dux , et Magnus Magister , seù perpetuus Administrator , Avitae pietatis stimulis incitatus , duo peditum millia , in sexdecim Cohortes distributa , non sine gravi sui Ducalis Ærarii dispendio , alacri tamen , promptoque animo , suis sumptibus conscripserit , ac eorum Regimini antedictos Milites , sub ejusdem Militiae vexillo praefecerit , illaque sic conscripta , omnibusque necessariis instructa in Venetorum opem , atque subsidium ad Dalmatiae partes transmiserit , firma spe , fiduciaque conceptis , quod iidem Milites , dirigente Domino , fideles eorum gressus , non tam Venetis ipsis , quam Universae Christianae Reipublicae , ad propulsandos Barbarorum conatus , non modico futuri essent adjumento . Tametsi verò omnia , et singula praemissa , hucusque gesta , et laudabiliter constituta , praedictae Militiae decori , et stabilitati longè suffectura dignoscantur , nihilominus dictus Franciscus Dux , et Magnus Magister , seu perpetuus Administrator faeliciori adhuc ejusdem Militiae , Statui , Conservationi , et Incremento , neo non praedictorum Militum utilitati , et subventioni consultum esse plurimùm cupiat , proindeque nobis exponi fecerit , quod Militia praefata certa Ecclesia , certaue Sede Conventualibus , in quibus Milites Divina Officia , aliasque Ecclesiasticas fun-

ctiones, juxtà eorum Regulare Institutum, pro tempore celebranda, celebrare, et conventualitèr, ad instar aliarum Militiarum, hujusmodi vivere respectivè possint, annisque redditibus, et Commendis ad id necessariis, ob superiorum temporum calamitates destituta reperitur; quodque si sinè cura Ecclesiae Beatae Mariae *della Steccata* nuncupatae Parmensis, quae minimè collativa existit, ac pro tempore existentis Parmae, et Placentiae Ducis Patrocinio, subest nec non a quadam Congregatione Clericorum, et Laicorum a praefato Duce eligi, et deputari solitorum regitur, et gubernatur, ac a 25 Clericis, seu Praesbyteris in Cantu Gregoriano approbatis, et apud eum personaliter residentibus, ad nutum ejusdem pro tempore existentis Parmae, et Placentiae Ducis amovibilibus, cum congrua menstruae mercedis, seu menstrui salarii assignatione in Divinis deservitur, et in qua nonnulla perpetua simplicia, personalemque residentia non requirentia beneficia Ecclesiastica, quorum duo de jure patronatus ejusdem Congregationis. Reliqua verò prò majori parte similiter de jure patronatus Laicorum ex fundatione, vel dotatione existere dicuntur fundata, reperiuntur in Ecclesiam Conventualem, et certam Sedem praedictae Militiae, totiusque Ordinis Militaris hujusmodi Caput, ad quod ob illius Aedificij elegantem structuram amplitudinem, celebrem ornatum, et divitem Sacrarum Supellectilium copiam, satis apta esse dignoscitur, perpetuò erigeretur, ac in ea unus Magnus Prioratus pro uno Praesbytero Milite ejusdem Militiae, quia nunc, et pro tempore existente ejusdem Militiae Magno Magistro, seu perpetuo administratore eligi, ac eidem Ecclesiae dictaeque Militiae militibus, ac aliis eisdem Ecclesiae Ministris, ac Cappellanis eidem Ecclesiae inservientibus, cum titulo, ac denomina-

tlione Magni Prioris praesse, illorumque Praeses, ac Prae-
latus esse deberet, perpetuò itidem erigeretur, et instituere-
tur: Nec non Pia domus de Misericordia nuncupata *nella*
Terra di Corte Maggiore Placentiae Diocesis, Provinciae
Bononiensis, quae paritèr minimè collativa existit, nullique ad
vitam, seu in Administrationem concedi consuevit, quaeque
alias a quondam tunc in humanis agente Rolando Marchiono
Pallavicino, dum vixit, Domino in temporalibus dictae Ter-
rae fundata, ac deinde a rec. mem. Alexandro Papa VI.,
etiam praedecessore nostro, praevia ejusmodi fundatione am-
plissima confirmatione a quacumque Ordinarii loci jurisdic-
tione perpetuò exempta, illaque sic exempta eidem Rolando,
ejusque Successoribus Dominis in temporalibus dictae Terrae
pro tempore existentibus subjecta fuit, ac nunc ad Franciscum
Ducem, ac Magnum Magistrum, seu perpetuum Administra-
torem praedictum, uti legitimum successorem praefati Ro-
landi spectat, et pertinet, ac per nonnullos homines Univer-
sitis dictae Terrae ab ipsomet Francisco Duce, cui de annuis
redditibus ejusdem Piae Domus, illorumque administratione,
singulis annis iidem homines rationem reddere tenentur, pro
tempore nominatos, et deputatos regi, et gubernari solet, ei-
dem Militiae etiam perpetuo concederetur: ac insuper omnia,
et singula respectivè Bona, Res, Proprietates, ac jura quae-
cumque ad praefatam Ecclesiam sic erigendam, ac praefatam
Domum Piam sic concedendam, quomodolibèt respectivè spec-
tantia, et pertinentia, illorumque omnes, et singuli fructus,
redditus, et proventus qui deductis omnibus, et singulis Ec-
clesiae, ac Domus Piae praefatarum oneribus ad quingentos
septuaginta duos ducatos auri de Camera circitèr annuatim,
ut asseritur, ascendunt, eidem Militiae in congruam pro tem-

pore existentis Magni Prioris Magni Prioratus, ut praefertur, erigendi hujusmodi, nec non in dotem nonnullarum Praeceptoriarum, seu Commendarum ejusdem Militiae similiter, ut infra erigendarum, perpetuò applicarentur, et assignarentur, aliaque infrascripta per nos benignè concederentur, ex his omnibus, et singulis Militia praefata validius suae stabilitatis fundamentum, ac Divinus Cultus in dicta Ecclesia non modicum susciperent incrementum, ac Milites ipsi ad Christianas excolendas virtutes, solidamque sui Ordinis gloriam promovendam, proposito eis praemio vehementius inflammarentur. Nos qui Militiam hujusmodi, cujus dum Cardinalatusungebamur honore, Protectoris munus substinuimus. Sincero paternae charitatis affectu semper prosecuti fuimus, impensus prosequimur, summoperè gaudentes, quod illa sub Francisci Ducis, ac Magni Magistri, seu perpetui Administratoris praedicti auspiciis ad pristinum honoris, et dignitatis locum, benedicente Domino, resurgere jam coeperit, ac proindè eundem Franciscum Ducem novis gratiarum muneribus decorare, ejusque pium, ac laudabile propositum, quantum cum Domino possumus confovere; nec non ipsam Militiam, ut faciliioribus in dies laetari possit incrementis, opportune subventionis ope juvare, ac fulcire volentes, ipsumque Franciscum Ducem, ac Magnum Magistrum, seu perpetuum Administratorem, ejusdemque Militiae, et eorum singulares Personas a quibusvis excommunicationis, suspensionis, et interdicti, aliisque Ecclesiasticis sententiis, censuris, et poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium tantum consequendum, harum serie absolventes fore, censes, motu proprio, et ex certa scientia, ac matura deliberatione nostris,

deque Apostolicae potestatis plenitudine ad uberiores cautelam, ac etiam quatenus opus sit omni, et quocumque potiori, et meliori modo, ac forma, quibus firmitus, et validius a nobis fieri possit, ac valeat, eidem Francisco Duci, et Magno Magistro, seu perpetuo Administratori, ac praefatis ejus natis, nepotibus, et descendantibus, aliisque Familiae suae Farnesiae successoribus Parmae, et Placentiae Ducibus, pro tempore existentibus, successivo respectivè ordine, praefatum officium, seu munus Magni Magistri, seu perpetui Administratoris Militiae praefatae per eundem Franciscum Ducem, ut praefertur obtentum, et hucusque praeclare gestum, ac exercitum, cum omnibus, et singulis illius honoribus, juribus, praeminentiis, aliisque gratiis sibi, ac Familiae suae Farnesiae descendantibus, et successoribus praedictis a praefato Innocentio praedecessore, ob eximiam suorum, et Familiae suae Farnesiae praedictae meritorum celsitudinem, ut praefertur, concessis, tenore presentium perpetuò iterum concedimus, et signamus, omniaque, et singula eidem Francisco Duci, et Magno Magistro, seu perpetuo Administratori, ac Familiae suae Farnesiae descendantibus, et successoribus praedictis super libero exercitio officij, seu muneris hujusmodi ab eodem Innocentio praedecessore concessa, etiam perpetuò harum serie approbamus, et confirmamus dictumque Franciscum Ducem, et Magnum Magistrum, seu perpetuum Administratorem, ejusque Familiae Farnesiae descendentes, et successores praefatos in omnibus, et singulis juribus, quae dicto Ioanni Andreae, ejusque Familiae Angelae Flaviae Comnenae, si tempore resignationis ab ipso Ioanne Andrea eidem Francisco Duci, ut praefertur factae, et per eundem Innocentium praedecessorem, etiam ut praefertur, confirmatae,

et approbatae extitissent ad dictum officium , seu munus Magni Magistri , seu perpetui Administratoris , quomodolibet compete-
bant , seu competere poterant, et si dictus Ioannes Andreas officium , seu munus huiusmodi non resignasset ,
ipsiusque Familia Angela Flavia Comnena praedicta extincta
non fuisset, quomodocumque competere, et competere pos-
sent, gratiosè , ac plenariè subrogamus, et subrogatos esse
volumus , et declaramus, nec non Militiam Aureatam Con-
stantinianam praedictam ab eodem Francisco Duce, et Magno
Magistro, seu perpetuo Administratore, ut praefertur, instau-
ratam , ac ferè de novo erectam, et institutam dicta Aposto-
lica auctoritate approbantes, et confirmantes eundem Fran-
ciscum Ducem, et ab illius Familia Farnesia descendente, qui
Parmae, et Placentiae Dux pro tempore extiterit, ordine
praefato, Magistrum Magnum, seu perpetuum Administra-
torem ejusdem Militiae , perinde ac si ab ipsomet Francisco
Duce verè de novo erecta , et instituta fuisset cum honori-
bus , praerogativis, et facultatibus, quibus alii aliarum Mi-
litiarum huiusmodi Apostolica auctoritate confirmatarum
Magni Magistri cum suis Militibus quomodolibet utuntur ,
fruuntur , potiuntur, et gaudent, absque ullo prorsus discri-
mine, et sinè aliquo antiquorum jurium praejudicio, sed nova
jura antiquis cumulando, eaque conservando perpetuo consti-
tuimus , et deputamus : Ac Ecclesiam Beatae Mariae *della*
Steccata nuncupatae praefatam, praeviis in ea omnis cujus-
cumque status, et essentiae saecularis, non tamèn quòad be-
neficia in ea jam, ut praefertur, fundata, ac de dicto jure pa-
tronatus Laicorum , ut praefertur, existentia, quae illaesa ,
et in eorum primaeva natura saeculari ; excepto tamèn jure
in eis instituendi Clericos saeculares ad illa pro tempore exi-

stentibus patroni praesentandos quos nos Magno Priori praefato pro tempore existenti concedere, ut infra et assignare intendimus, remaneant, extinctione, nè non ejusdem Ecclesiae Beatae Mariae *della Steccata* nuncupatae Regiminis, et Gubernii a Congregatione praedicta, a quo ut praefertur, regi, et gubernari usque nunc consuevit, abdicatione, ac praedictorum viginti quinque Clericorum, seu Presbyterorum saecularium praefatorum, a quibus eadem Ecclesia Beatae Mariae *della Steccata* nuncupatae nunc, ut praefertur, in divinis deservitur, amotione in certam Ecclesiam, certamque praedictae Militiae Aureatae Constantinianae Sedem Collegialem, seu Conventualem, quae Caput aliarum Ecclesiarum Militiae hujusmodi in posterum erigendarum existat, ac omnibus, et singulis privilegiis, indultis, favoribus, exemptionibus, libertatibus, jurisdictionibus, auctoritatibus, facultatibus, et gratiis, quibus aliae similes Ecclesiae Militiarum Capita quomodolibet gaudent, utuntur, fruuntur, et potiuntur, seu gaudere, uti, frui, et potiri debent, perpetuo gaudeat, utatur, fruatur, ac potiat; nec non a viginti quinque Clericis, seu Praesbyteris idoneis a nunc, et pro tempore existente dictae Militiae Magno Magistro, seu perpetuo Administratore eligendis, et ad sui placitum amovendis, aliisque, toties quoties casus evenierit subrogandis, et ab eo insigni Crucis ejusdem Militiae, juxta illius statuta, seu stabilimenta donandis, qui apud dictam Ecclesiam Beatae Mariae *della Steccata* nuncupatae personaliter residere teneantur, cum congrua illius menstrui salarii, quod vigintiquinque Clericis, seu Praesbyteris saecularibus, ut praefertur amotis, antea assignati consueverat, assignatione in Divinis Collegialiter, seu conventualiter deserviri debeat, ubi Milites praedicti nunc, et pro tempore existentes Divina

Officia , aliasque Ecclesiasticas functiones ab eis , juxta laudabilia ejusdem Militiae instituta, et consuetudines celebrari solita , ac debita celebrare liberè , et licitè valeant , eadem Apostolica auctoritate perpetuò erigimus , et instituimus. Ac ut in eadem Ecclesia Beatae Mariae *della Steccata* nuncupatae Divinum servitium , et Milites praedicti in spiritualibus exactè , pièque dirigantur , in ea unum Magnum Prioratum pro uno Praesbytero idoneo, Milite ejusdem Militiae expressè Professo futuro ejusdem Magni Prioratus Magno Priore , ac a nunc , et pro tempore existente praedictae Militiae Magno Magistro , seu perpetuo Administratore ad dictum Magnum Prioratum, dum illum quodcumquè, quomodocumque, ubicumquè, et ex cujusvis Persona, ac etià a primaeva illius erectione per praesentes facienda vacare contingerit, eligendo, et in Magnum Priorem dicti Magni Prioratus praeficiendo, qui Ecclesiae Beatae Mariae *della Steccata* nuncupatae praedictae, illiusque Cappellanorum Insigni, Crucis, ut praefertur, donandorum, aliorumque Ministrorum praedictae Ecclesiae Beatae Mariae *della Steccata* nuncupatae pro tempore inservientium Caput, Praeses, ac Praelatus existat eique, ac Militibus praedictis in spiritualibus, cum Indultis, Gratiis , Antelationibus, Praeinentiis, ac annuis redditibus eidem futuro Magno Priori pro ejus congrua sustentatione, ut infra concedendis, et assignandis praesse , illorumque Praeses, ac Praelatus esse, ac eorum Spirituali directioni incumbere debeat, Apostolica auctoritate praefata similiter perpetuò erigimus, et instituimus. Ac Domum Piam de Misericordia nuncupatam praedictam in Terra *de Corte Maggiore* Placentinae Dioecesis dictae Provinciae, quae, ut praefertur, minima collativa existit, nullique ad vitam committi , minusque in administrationem con-

cedi consuevit, et ad dictum Franciscum Ducem, ut praefertur, nunc spectat, et pertinet, previa similiter illius gubernii, et administrationis ab hominibus Universitatis praedictae Terrae abdicatione cum omnibus, et singulis illius aedificiis, membris, aedibus, aliisque pertinentiis, nec non bonis, juri-
bus, ac redditibus, ut infra applicandis, appropriandis, et erogandis eidem Ecclesiae Beatae Mariae *della Steccata* nuncupatae in Collegialem, seu Conventualem dictae Militiae Ecclesiam, ut praefertur erectae, omnino subijcimus, eamque si subjectam ei dem Militiae, illiusque Magno Magistro, seu perpetuo Administratori, ac Militibus nunc, et pro tempore existentibus cum pleno, et libero illius Aedificiorum, Bonorum, ac jurium quorumcumque praedictoque respectivè usu, et dominio, motu simili, et ex certa scientia, deque Apostolicae potestatis plenitudine, de consensu praedicti Francisci Ducis, etiam perpetuo concedimus, et assignamus Ecclesiae vero Beatae Mariae *della Steccata* nuncupatae in Collegialem, seu Conventualem Ecclesiam dictae Militiae, ut praefertur, erectae, ac Domus Piae praedictarum eidem Militiae illius Magno Magistro, seu perpetuo Administratori, ac Militibus nunc, et pro tempore existentibus praedictis respectivè, ut praefertur concessarum, et assignatarum Praedia, Proprietates, Fundos, Census, aliaque jura, et bona universa, in quibusvis rebus, et ubicumque consistentibus, et undecumque provenientia, ac quomodolibet, et quovis nomine nuncupata, praevia illorum, quatenus opus sit, ab Ecclesia Beatae Mariae *della Steccata* nuncupatae in Collegialem, seu Conventualem praedictae Militiae Ecclesiam, ut praefertur erecta, et Domo Pia praedictis opportuna dismembratione; ita quod liceat Militiae praedictae, illiusque modernis Magno Magistro, seu perpetuo Admi-

nistratori , ac Militibus hujusmodi per se ipsos , vel alios eorum , et praescriptae Militiae nominibus realem , corporalem , et actualement proprietatum , rerum , praediorum , censuum , aliorumque jurium , et honorum universorum respectivè praedictorum possessionem , cujusve licentia desuper minime requisita , propria auctoritate liberè appraehendere , et appraehensam perpetuo retinere ; nec non omnes , et singulos fructus , redditus , proventus , et obventiones , ac aemolumenta quaecumque ex eis respectivè quomodolibet provenientia , quae omnia in simul deductis omnibus , et singulis Ecclesiae Beatae Mariae *della Steccata* nuncupatae in Collegialem , seu Conventualem dictae Militiae Ecclesiam , ut praefertur , erectae , ac Domus Piae praedictarum respectivè oneribus ad praedictam summam quingentorum septuaginta duorum ducatorum auri de Camera hujusmodi circiter annuatim , ut praefertur , ascendunt , quae omnia , et singula respectivè onera praedicta integre , et absque ulla prorsus illorum diminutione , quantumvis minime semper et perpetuo supportari , et adimpleri , nec non omnia , et singula Jurepatronatus Beneficiorum in praedicta Ecclesia Beatae Mariae *della Steccata* nuncupata in Collegialem , seu Conventualem praedictae Militiae Ecclesiam , ut praefertur , erecta , jam fundatorum , semper , et perpetuo conservari , ac penitus illesa remanere , illoque ad eorum respectivè Patronus nunc , et prò tempore existentes , ut prius spectare , et pertinere debere volumus , atque decernimus per unam ejusdem Militiae Militum ab illius nunc , et prò tempore existente Magno Magistro , seu perpetuo Administratore eligendorum , et deputandorum , ejusque arbitrio removendorum , congregationem noviter deputandam , ad quam Jus patronatus quod antehac in duobus ex praedictis Beneficiis in praedicta

Ecclesia Beatae Mariae *della Steccata* nuncupatae in Collegialem, seu Conventualem praedictae Militiae Ecclesiam, ut praefertur, fundatis ad primodictam congregationem quomodolibet spectabat, et pertinebat, in posterum perinde ac si ab illorum respectivè primaeva fundatione, vel dotatione, secundo dictae Congregationi reservatum fuisset, spectet, et pertineat, ac spectare, et pertinere debeat, et censeatur integrè, plenariè, ac liberè administrari debere. Ita quod secundo dictae Congregationi de novo, ut praefertur, deputandae liceat omnia, et singula ad Ecclesiam Beatae Mariae *della Steccata* nuncupatae in Collegialem, seu Conventualem praedictae Militiae Ecclesiam, ut praefertur, erectam, et Domum Piam praefatas quomodolibet respectivè pertinentia Praedia, Censui, Bona, et Iura Universa perpetuo regere, et gubernare, eorumque fructus, redditus, et proventus quoscumque percipere, exigere, levare, discolare, et arrendare; Cum hoc tamen, quod ex annuis fructibus, redditibus, et proventibus huiusmodi eadem secundo dicta Congregatio omnia, et singula Ecclesiae, et Domus Piae praedictarum respectivè onera juxta illarum Fundationis, aliarumque piarum dispositionum legem annuatim supportanda, ac adimplenda, supportare, et plenarie adimplere, ipsamque Ecclesiam, illiusque Sacristiam de suppellectilibus, aliisque rebus ad Cultum Divinum necessariis manutenere, ut prius debeat: Eos autem, qui supererunt annuos fructus, redditus, et proventus praedictos pro rata annua centum septuaginta duorum ducatorum auri, similium in congrua dicti Magni Prioris Magnum Prioratum huiusmodi pro tempore obstituentis sustentationem, reliquos vero quadringentos ducatos auri de camera huiusmodi in annum, tot Commendarum dictae Militiae, pro tot ejusdem Militiae Militibus juxta

providam nunc et pro tempore existentis Magni Magistri, seu perpetui Administratoris praedicti dispositionem, ac ejus arbitrio erigendarum, et assignandarum stipendium perpetuo convertere, et erogare liberè, et licitè valeat; similiter volumus, decernimus, et declaramus. Ac insupèr eidem Francisco Duci, et Magno Magistro, seu perpetuo Administratori ejusque in hujusmodi officio, seu munere successoribus praedictis, quod praedictas, aliasque Commendas, Cappellas, aut Ecclesias ejusdem Militiae perpetuo erigere, et instituere, dictaeque Militiae perpetuo incorporare, applicare, et appropriare, et Commendarum Fundatoribus, ac Dotatoribus jus patronatus, et praesentandi Militiae, ejusque Magno Magistro, seu perpetuo Administratori pro tempore existenti, vel ejus Deputato Personas idoneas ad Commendas hujusmodi pro tempore vacantes, etiam concedere, et reservare, et sic a Patronis praesentatos juxta stabilimenta dictae Militiae a nobis suis loco, et tempore approbanda, nostraque Apostolica auctoritate confirmanda, Ordinariorum locorum, et quorumvis aliorum consensu desupèr minimè requisito in ipsis Commendis instituere, ac alias illas conferre, et de eis providere possit; Ita tamen ut quoad Beneficia Ecclesiastica in dicta Ecclesia Beatae Mariae *della Steccata* nuncupatae in Collegialem seu Conventualem praedictae Militiae Ecclesiam, ut praefertur, fundata, quorum duo de jure patronatus secundo dictae Congregationis, reliqua vero pro parte majori similiter de jure patronatus Laicorum ex fundatione, vel dotatione, ut praefertur, existunt, ac etiam quo ad alia pariter Ecclesiastica Beneficia, quae in eadem, vel aliis praedictae Militiae Ecclesiis de caetero erigi, ac fundari contigerit, idem Magnus Magister, seu perpetuus Administrator nullo modo se ingerere valeat, sed quotie-

scumque Beneficia hujusmodi pro tempore vacaverint, illorum Patroni Magno Priori, nunc, et pro tempore existenti personas idoneas ad Beneficia hujusmodi nominare, et praesentare, eademque Personae sic nominatae, ac praesentatae ab eodem Magno Priore Canonicam institutionem in eisdem Beneficiis reportare debeant, et teneantur, motu simili, ac ex certa scientia, deque Apostolicae potestatis plenitudine perpetuo concedimus, et indulgemus. Praeterea Ecclesiam Beatae Mariae *della Steccata* nuncupatae, in Collegialem, seu Conventualem dictae Militiae Ecclesiam, ut praefertur, erectam, et Domum Piam praedictas, nec non Commendas, Cappellas, et Ecclesias quascumque praedictae Militiae, tam hactenus erectas, quam in posterum, ut praefertur erigendas, illarumque omnia, et singula respectivè bona redditus, et proventus quoscumque, ac insuper omnes, et singulos ejusdem Militiae Milites, etiam Clericali charactere insignitos, aut in aliquo ex Sacris Ordinibus constitutos, ubicumque nunc existentes, ac de caetero extituros, nec non eas omnes etiam Cruce hujusmodi Militiae non insignitos, qui praedictae Ecclesiae Beatae Mariae *della Steccata* nuncupatae in Collegialem, seu Conventualem dictae Militiae Ecclesiam, ut praefertur, erectae, actu inservient, ac intra ejus septa, et Domum resident, et sub Magni Prioris praedicti obedientia vivent, ab omni jurisdictione, superioritate, visitatione, dominio, et potestate quorumvis Episcoporum, aliorumque locorum Ordinariorum similiter perpetuo, penitus, et omnino, etiam in habitu amplissime eximimus, et liberamus, illaque, ac illos respectivè dicti Francisci Ducis, et Magni Magistri, seu perpetui Administratoris ejusque, et qui pro tempore extiterint, in munere hujusmodi successorum jurisdictioni, visitationi, et

correctioni in spiritualibus, et temporalibus immediate pleno jure, ac in totum subijcimus, et supponimus: Declarantes tamen, ac decernentes, quod idem Magnus Magister, seu perpetuus Administrator pro tempore existens, in causis tam civilibus, quam criminalibus, vel mixtis Militum quorumcumque, nec non ministrorum, aliorumque praedictae Ecclesiae Beatae Mariae *della Steccata* nuncupatae in Collegialem, seu Conventualem dictae Militiae Ecclesiam, ut praefertur, erectae inservientium, qui Clericali caractere praedicto insigniti, aut in aliquo ex sacris Ordinibus constituti, ut praefertur, respectivè fuerint, nullo modo se immiscere possit, nec debeat, sed ejusmodi causas quotiescumque, ac ubicumque casus evenit cognoscendas, committere, ac delegare teneatur Magno Priori praedicto, vel aliis Personis praefato tamen Clericali caractere insignitis, seu in aliquo ex sacris Ordinibus praedictis, et in Ecclesiastica dignitate constitutis ejusdem Magni Magistri, seu perpetui Administratoris arbitrio eligendis, et non alias, ita quod locorum Ordinarij, aliique omnes, et singuli praedictis, nullam in Commendas, Cappellas, et Ecclesias praedictas, earumque bona, redditus, et proventus, nec non Milites, aliasque personas praedictas respectivè jurisdictionem, superioritatem, dominium, vel potestatem, etiam ratione cujuscumque contractus, nec non cujusvis generis delicti, etiam turbatae jurisdictionis, vel alterius etiam gravioris speciei, et specialem mentionem requirentis, vel alterius rei ubicumque locorum ineatur contractus, committatur delictum, et res ipsa consistat, exercere valeant, sed Milites, ac alii omnes hujusmodi coram Magno Magistro, seu perpetuo Administratore nunc, et pro tempore existente praedicto, tamquam proprio eorum Ordinario, aut aliis Clericali chara-

ctere praedicto insignitis, seu in aliquo ex sacris Ordinibus praedictis, et in Ecclesiastica dignitate constitutis ab eodem Magno Magistro, seu perpetuo Administratore, ut supra deputantis personis respectivè omnino privativè quoad Ordinarios locorum, aliosque omnes, et singulos praedictos in omni, et quocumque casu respondere debeant. Decernentes quoscumque processus contra illos, vel eorum aliquem per ipsos locorum Ordinarios, vel illorum Vicarios, seu quosvis alios praedictos, etiam in casu negligentiae Magni Magistri, seu perpetui Administratoris, vel Magni Prioris praedictorum prò tempore factos, nec non similiter quaslibet etiam excommunicationis, vel suspensionis, aliasque sententias promulgatas, nullas, et invalidas, nulliusque roboris, vel momenti fore, non obstante quoad omnia praedicta, etiam in alterius, quam Magni Magistri, seu perpetui Administratoris, ejusque Deputati, vel Magni Prioris praedictarum jurisdictionum quomodolibet per Milites, aliasque Personas hujusmodi praestando consensu, quem non valere, nec attendi debere similiter decernimus, et declaramus. Ac insuper, ut Divinus cultus in dicta Ecclesia Beatae Mariae *della Steccata* nuncupatae, in Collegialem, seu Conventualem dictae Militiae Ecclesiam, ut praefertur, erecta, decentius, et honorificentius peragatur, debitique futurus Magnus Prior praedictus praefulgeat insigniis, eidem Magno Priori, concedimus, ut ipse, illiusque successores Magnum Prioratum, per praesentes erectum hujusmodi pro tempore obtinentes Mozzettam laneam, sive ex Cammellotto violacei coloris cum suo Cappuccio, ac Rocchetum, ad instar aliorum Praelatorum inferiorum, absente tamèn Magno Magistro, seu perpetuo Administratore praedicto, una cum Cruce ejusdem Militiae super Mozzetta, tam in praedi-

cta Beatae Mariae *della Steccata* nuncupatae Collegiali , seù Conventuali dictae Militiae Ecclesia deferatur. Quotiescumque vero dictus Magnus Magister, seù perpetuus Administrator in eisdem Ecclesiis praesens aderit, nèc non extrà eas, àc intrà, et extra Civitatem Parmensem, et ubivis locorum non tamen in Urbe, Mantelletum dumtaxat consimile cum Cruce ejusdem Militiae , et Rocchettum coràm quibusvis personis, etiam Ordinariis locorum, at S. R. E. Cardinalibus, dictaeque Sedis, etiam de Latere Legatis, Vicelegatis, ac Nunciis liberè deferre , et gerere, nec non Missam privatam celebraturos sive in dicta Beatae Mariae *della Steccata* nuncupatae Collegiali, seu Conventuali, sive in aliis ad eamdem Militiam quomodolibet spectantibus Ecclesiis ante Altare inter duos Cappellanos superpelliceo indutos cum Canone, et instrumento argenteo cum candela , vulgo bugia nuncupato, non tamen paramentis Sacris ab Altari, sed ab alia Tabula Cornu Epistolae praeparata desumptis, àc sine Abaco, more Episcoporum; et sine Cruce pectorali, ac Stola à collo liberè pendente se praeparare, et sic praeparatos cum assistentia duorum Cappellanorum, unius Clerici, unius Cubicularii, qui pro manuum lotionem aquam porrigat, et unius Famuli Missam privatam hujusmodi celebrare, nec non annulum praetiosum in digito deferre, ac manipulum ad versiculum, Indulgentiam, absolutionem suscipere non tamen ad Populum se vertendo *Pax vobis*, nec Missam absoluta, *sit nomen Domini benedictum* dicere, nec Populo ter benedicere post Missam vero privatam, ut praefertur , celebratam , Rocchetto induti absque Mantelletto ante Altare intèr eosdem duos Cappellanos superpelliceo indutos, cum Canone , àc instrumento argenteo praedictus gratiarum actionem peragere. Praeterea dum Missam solemnem pro de-

functis in Ecclesiis supradictis celebraturi erunt, exire è Sacratio cum Cappa inter assistentes paratos, et in faldistorio ante Altare posito, Sacras Vestes induere, prout etià quoties Missam solemnem Pontificalem in eisdem Ecclesiis celebrabunt, quinque assistentes habere, et nobilem Sedem, seu Cathedram coopertam simplici serico panno coloris festivitatis congruentis, non tamen auro contexto, aut phrigio, seu basillico opere ornato retinere, eaque non tamèn in praesentia Magni Magistri; seù perpetui Administratoris praedicti uti Cappa quoque Magna, non tamen Ministro, seu Inservienti, qui ejusdem Cappae, aut Vestis talaris limbum, seù caudam extollat, nec non Baculo, Mitra, Annulo; Pastoralibus, caeterisque Pontificalibus indumentis etiam uti. Ac insupèr in praefata Beatae Mariae *della Steccata* nuncupatae in Collegialem, seù Conventualem dictae Militiae Ecclesiam, ut praefertur, erecta Ecclesia diebus, et festivitibus infra-scriptis, videlicèt, in Paschate Resurrectionis, et Pentecostes, àc infra octavam Festi Sanctissimi Corporis Christi Domini, nec non feria quinta majoris Hebdomadae, ac Nativitatis Epiphaniae, ac Ascensionis Domini, nec non Annunciationis, et Assumptionis Beatae Mariae Virginis, àc omnium Sanctorum, et Sancti Georgii Festis diebus. Item in prima Cappella per dictum Magnum Magistrum, seù perpetuum Administratorem inibi habenda, et in ejusdem Militiae Comitibus Mitra praetiosa similiter uti, nec non populo ter post solemnum, non autem privatarum Missarum celebrationem, ac eisdem Pontificalibus indumentis indutos Ecclesias, Cappellas, aliaque Sacra Aedificia tam hactenus constructa, quam de caetero construenda dictae Militiae dumtaxat benedicere, eaque polluta reconciliare; Ac insupèr pro earumdem Ecclesiarum tantum

usu, et servitio paramenta, et suppellectilia sacra, exceptis tamen iis omnibus, in quibus Sacri Olei, vel Chrismatis Unctio adhibetur, etià benedicere, nè non literas officii Poenitentiariae nostrae Apostolicae, eis pro executione directas, ad supplicationem ejusdem Militiae Militum, seù aliarum Personarum, illius servitio addictarum expeditas, exequi; Nec non praedictis Cappellanis Cruce praedicta, ut praefertur, decoratis, et decorandis, ut praeter consueta ejusdem Militiae habitum, Rocchettum, et Mozzettum cum suo Cappuccio violacei coloris, et super ea Cruce ejusdem Militiae, tam in praediota Beatae Mariae *della Steccata* nuncupatae in Collegialem, seù Conventualem ejusdem Militiae Ecclesiam, ut praefertur, erecta Ecclesia, quam extrà eam, nec non extrà Civitatem, et Dioecesim Parmensem, et ubique locorum, etiam in Processionibus, et Funeralibus, aliisque actibus, et functionibus Ecclesiasticis publicis, et privatis, ac etiam in Comitibus Provincialibus, et Generalibus ejusdem Militiae, ac etiam in S. R. E. praedictae Cardinalium, etiam de Latere Legatorum, Nunciorum, Archiepiscoporum, Episcoporum, et aliorum quorumcumque praesentia, quibusvis anni temporibus, et diebus similiter deferre, et gestare, illisque pariter uti liberè, et licitè, respectivè possint, et valeant, motu pari, et ex certa scientia, deque Apostolicae potestatis plenitudine, similiter perpetuò concedimus, et indulgemus. Nec non omnia et singula praemissa, ac easdem praesentes, nullo unquam tempore de subreptionis, vel obreptionis, aut nullitatis vitio, seù intentionis nostrae, vel quopiam alio defectu notari, impugnari, vel argui posse, ipsaque omnia, et singula praemissa tamquam Magno Magistro, seù perpetuo Administratori ac Militiae, vel Militibus nunc, et pro tempore existentibus prae-

dictis , ex causa onerosa concessa, sub quibusvis tam earumdem praesentium, quam similium, vel dissimilium gratiarum in genere, vel in specie, suspensionibus, derogationibus, revocationibus, limitationibus, alterationibus a nobis, et successoribus nostris Romanis Pontificibus pro tempore existentibus, et a Sede praedicta, quamvis de causa quantumlibet legitima, et justissima pro tempore emanatarum, minime comprehendi , sed semper ab illis excipi, et quotiès illae emanabunt, totiès in pristinum statum restituta, et de novo etiam sub quacumque posteriori data per Magnum Magistrum, seu perpetuum Administratorem, ac Milites, nunc, et pro tempore existentes praedictos, quandocumque eligenda concessa esse, et censeri, nec non eidem praemissis, eisdemque praesentibus, etiam per quascumque literas Apostolicas, etiam per quasvis clausulas generales, vel speciales, etiam derogatoriarum derogatorias, efficaciores, et insolitas, ac etiam irritantia decreta sub quacumque verborum expressione in se continentes, nullatenus derogari posse, nec quoad illa derogatum esse pariter censeri, nisi tenor illarum de verbo ad verbum, nihil penitus omisso, insertus, et hujusmodi derogationes concistorialiter factae, et per trinas distinctas literas eundem tenorem continentes, tribus distinctis vicibus Magno Magistro, seu Administratori, perpetuo ac Militibus nunc, et pro tempore existentibus praedictis intimatae, ac insinuatae fuerint, ac Magni Magistri, seu perpetui Administratoris, ac Militum nunc, et pro tempore existentium praedictorum expressas ad id accedat assensus, et aliter factae derogationes nemini suffragari, ac Magnum Magistrum, seu perpetuum Administratorem, ac Milites praedictos ad parendum literis derogatoriis hujusmodi, et decretis super illis processibus, ac

eorundem processuum exequutoribus, et subsequutoribus, eorumque mandatis, et monitionibus minime teneri, sed illos literarum derogatarum hujusmodi exequutionem omnino impedire nec ratione resistentiae censuris Ecclesiasticis per eosdem exequutores, seu subsequutores latis innodari, sicque, et non alias in omnibus, et singulis praemissis hujusmodi per quoscumque Judices ordinarios, vel extraordinarios, et Delegatos quavis auctoritate fungentes, etiam causarum Palatii Apostolici Auditores, nec non ejusdem S. R. E. Cardinales, etiam de Latere Legatos, Vicelegatos, dictaeque Sedis Nuncios, sublata eis, et eorum cuilibet aliter judicandi, et definendi, ac interpretandi facultate, potestate, et auctoritate, ubique judicari, definiri, et interpretari debere, et quidquid secus super his à quoquam, quavis auctoritate scienter vel ignoranter contigerit attentari, irritum, et inane decernimus. Quo circa Venerabili Fratri nostro Episcopo Imolensi, ac dilectis Filiis causarum Curiae Camerae nostrae Apostolicae generali Auditori, et Archipresbytero Ecclesiae Parmensis per Apostolica scripta mandamus, quatenus ipsi vel duo, aut unus eorum per se, vel alium, seu alios praesentes literas, et in eis contenta quaecumque ubi, et quando opus fuerit, ac quoties pro parte Francisci Ducis, et Magni Magistri, seu perpetui Administratoris, et Militum nunc, et pro tempore existentium praedictorum fuerint requisiti, solemniter publicantes, ac illis in praemissis efficacis defensionis praesidio assistentes, faciente auctoritate nostra Franciscum Ducem, et Magnum Magistrum, seu perpetuum Administratorem, ac Milites praedictos approbatione, confirmatione, constitutione, subrogatione, erectione, institutione, concessione, assignatione, indulto, decreto, declaratione, derogatione, aliisque

praemissis pacifice frui, et gaudere, ac si opus fuerit, Franciscum Ducem, Magnum Magistrum, seu perpetuum Administratorem, ac milites nunc, et pro tempore existentes praedictos, vel eorum Procuratorem, seu Procuratores eorum nomine, in corporalem possessionem Ecclesiae Beatae Mariae *della Steccata* nuncupatae in Collegialem, seu Conventualem dictae Militiae Ecclesiam, ut praefertur, erectae, ac Domus Piae, ac annexorum jurium, et pertinentiarum suarum praefatorum inducant auctoritate nostra, et defendant inductos, amotis quibuscumque detentoribus ab eisdem, facientes eis, vel pro eis Procuratori, vel Procuratoribus praedictis de illorum, ac annexorum eorundem fructibus, redditibus, proventibus, juribus, et obventionibus universis integrè responderi, non permittentes eos desuper per quoscumque quomolibet indebitè molestari, perturbari, aut inquietari: Contradictores quoslibet, ac rebelles per censuras, et poenas Ecclesiasticas, aliaque opportuna juris remedia, appellatione postposita compescendo; nec non legitimis super his habendis servatis processibus, illas sententias, censuras, et poenas incurrisse declarando, nec non eas etiam iteratis vicibus aggravando, invocato etiam ad hoc, quatenus opus fuerit auxilio brachii saecularis, non obstantibus recolendae memoriae Bonifacii Papae VIII. similiter praedecessoris nostris, quibus cavetur, nec extra suam Civitatem, et Dioecesim, nisi in certis exceptis casibus, ultra unam dictam a fine suae Dioecesis ad iudicium evocatur, seu ne Iudices a Sede praedicta deputari extra Civitatem, vel Dioecesim, in quibus deputati fuerint contra quoscumque procedere, aut aliis, vel alii vices suas committere praesumat, et de duabus dietis in Concilio generali edita, dummodo ultra tres dietas aliquis auctoritate

earundem praesentium ad iudicium non trahatur, ac Lateranensis Concilii novissimè celebrati, nec non quatenus opus sit nostris, et Cancellariae Apostolicae regulis de unionibus committendis ad partes, vocatis, quorum interest, exprimendo vero annuo valore, tam uniendorum beneficiorum, quam eorum, quibus sit unio, et quibusvis aliis Apostolicis in Provincialibus, et Synodalibus Conciliis editis, generalibus, vel specialibus Constitutionibus, et ordinationibus, nec non Ecclesiae Beatae Mariae *della Steccata* nuncupatae in ejusdem Militiae Collegialem, seu Conventualem Ecclesiam, ut praefertur, erectae, ac Domus Piae praedictarum respectivè fundatione, nec non Militiae, illiusque ordinis praedictorum, etiam juramento, confirmatione Apostolica, vel quavis firmitate alia roboratis, statutis, consuetudinibus, stabilimentis, usibus, et naturis, ac quibusvis privilegiis, indultis, et literis Apostolicis, etiam aliis Militiis, ac Ordinariis locorum, et quibusvis Ecclesiis, Monasteriis, Ordinibus, et Locis, etiam fabricae Basilicae Principis Apostolorum de Urbe, ac Cruciatuae Sanctae, eorumque personis sub quibuscumque tenoribus, et formis, ac cum quibusvis clausulis, et decretis, etiam ad Imperatorum, Regum, Reginarum, Ducum, Rerumpublicarum etiam Venetae, et aliorum quorumcumque instantiam, etiam consistorialiter, et motu simili, ac alias quomodolibet etiam per nos pluries concessis, approbatis, et innovatis, quibus omnibus, et singulis, etiàmsi de illis, eorumque totis tenoribus specialis, specifica, et individua, non autem per clausulas generales idem importantes mentio, seu quaevis alia expressio habenda, aut aliqua alia exquisita forma ad hoc servanda foret, illorum tenores. Ac si de verbo ad verbum inserti forent, praesentibus pro expressis habentes, illis alias

in suo robore permansuris latissimè, et plenissimè, ac specialiter, et expressè harum serie motu pari derogamus, cæterisque contrariis quibuscumque, aut si aliquibus communiter, aut divisim ab Apostolica sit Sede indultum, quod interdici, suspendi, vel excommunicari non possint per literas Apostolicas, non facientes plenam, et expressam, ac de verbo ad verbum de indulto hujusmodi mentionem, et quibuslibet aliis privilegiis, indultis, et literis Apostolicis generalibus, vel specialibus quorumque annorum existant, per quae eisdem praesentibus non expressa, vel totaliter non inserta, effectus hujusmodi gratiae impediri valeat, vel differri, et de quibus, eorumque totis tenoribus de verbo ad verbum habenda sit in nostris literis mentio specialis. Nulli ergo omnino hominum liceat hanc paginam nostrae absolutionis, approbationis, confirmationis, constitutionis, deputationis, subrogationis, erectionis, institutionis, concessionis, assignationis, subjectionis, exemptionis, declarationis, indulti, decreti, mandati, derogationis, et voluntatis infringere, vel ei ausu temerario contradicere. Si quis autem hoc attentare praesumpserit, indignationem Omnipotentis Dei, ac Beatorum Petri, et Pauli Apostolorum ejus se noverit incursurum. Datum Romae apud Sanctam Mariam Majorem, anno Incarnationis Dominicae millesimo septingentesimo decimo octavo, sexto Kalendas Iunii, Pontificatus nostri anno decimo octavo. — Subscript. Jan. M. M. D. Placentinus — G. Petraglia — I. Card. Prodat. — Antonius Cajetanus Frosius R. C. Æ. Serrius — N. Soderinus — Phil. Cappellus pro Cappellano — C. Albanus pro Anto. — Nihil ut pro XV. — Phil. Massucius Capp. — F. de Felicibus Cappellanus coad. — F. Valen. M. M. D. Tin. — I. Wathour def. — Visa F. Sinibaldi — I. Schoye S.

Nihil quoad annatam, et quindennium allata unione Ecclesiae Beatae Mariae *della Steccata* Parmensis, et Piaae Domus de Misericordiae Terrae *de Corte Maggiore* Placentinae, quae nullatenus collativè existunt, et ita etc. — Pro D. Abb. Alexandro de Turre Subc. Generali—Raymundus de Turre item registrat. in Cam. Apostolica—Antonius Cajetanus Frosius Camerae Apostolicae Secretarius.

Ita cum plumbo appenso cum cordula serica rubri, et crocei coloris.





Selezione a cura di:

<http://biblioborbonica.altervista.org/bibliocostantiniana/index.html>

Google books



creative
commons

Copyright-Only Dedication* (based on United States law)
or Public Domain Certification